



~ ♡ DIVO SIXTO

PONT. MAXIMO,

BAP. PLATINA

S. D.



Ici non potest, beatissime pater, q̄ uehementer interdum sim admiratus hominū diuersa studia uariaq̄ ingenia, q̄ omisso philosophiæ studio, quæ certe est (ut ait Marcus Tullius) uitæ humanæ dux, uirtutis indagatrix, expultrixq̄ uitiorū, ad inanes curas & cogitationes se trāferant. Hunc enim uidemus pecunijs & opibus studere, illum ambitioni & potentia: alium uoluptates omni studio & diligentia conquistatas amplecti. Horum studia q̄ sint inania, declarāt non modo philosophorum sectæ, (Epicuri discipulos semper excipio) uerumetiam saluatoris nostri doctrina & uita, qua certe cohortamur, admonemur, cogimur caduca illa ac fragilia, ut falsa bona & nusquam consistentia, cōtemnere: Religionem uero, pietatem, humanitatem, gratiam, hospitalitatem, misericordiam, uirtutem denique omnem, ut unicum & uerum bonum, amplecti. Hæc est certe uera philosophia, quæ non in opinione, ut de sectis omnibus censebant academici noui, sed in ueritate ipsa fundata est. Tota enim Christi uita, unicum uirtutis exemplar habetur. Hanc profecto si intueri & imitari uoluerimus, quod certe tū ipsius gratia, tum nostra causa facere debemus, nō erit cur Numæ Pompilij religionem, Scipionis pietatem

A

